

Newspaper	BERITA HARIAN
Date	16 FEB 2015



**S**aya menjejakan kaki ke Kota Bharu pada 11 Ogos 1996 bagi memulakan tugas sebagai wartawan *Berita Harian* di biro Kelantan - dua hari selepas Datuk Nik Aziz Nik Mat membuat kenyataan kakitangan awam wanita di negeri itu tidak digalakkan memakai gincu kerana dianggap boleh menarik perhatian lelaki.

Keesokannya, saya diarah membuat liputan majlis dihadiri Menteri Besar Kelantan itu. Ia adalah kali pertama saya melihat Allahyarham secara dekat dan sempat diperkenalkan oleh Setiausaha Politiknya ketika itu, Datuk Husam Musa.

(Saya bergincu kerana sudah merядi kebiasaan dan ia tidak mengundang sebarang teguran sepanjang pertemuan).

Itu adalah permulaan kehidupan tiuh tahun penuh warna di Tanah Serendah Sekebun Bunga, mengenali individu yang lembut suaranya namun tegas pendiriannya.

Mesra disapa Tok Guru, Allahyarham gemar soal-soalan provokasi. Seteru politik kegemarannya ketika itu adalah bekas Perdana Menteri, Tun Dr Mahathir Mohamad, yang kerap disebut Nik Aziz secara berseloroh sebagai "insan bijak tapi dia salah parti."

Mata Allahyarham kerap mengal tanda khusyuk setiap kali mendengar soalan wartawan disusuli dengan dahi berkerut dalam mencema apa yang perlu dikatakan sebelum menjawab.

Petikan ayat al-Quran tidak lekang dalam jawapannya, malah ia meiyadi mukadimah dalam ucapan dan ceramahnya.

"Itu carasanya berakwiah. Kadang-kadang kita terlalu sibuk dengan urusan dan masalah dunia hingga terlupa al-Quran menyimpan segala jawapan."

Di luar lingkaran keperibadiannya sebagai Mursyidul Am dan Menteri Besar, Nik Aziz turut menampilkan sikap sebagai bapa kepada kelompok wartawan.

Nasihat paling kerap diberi ialah betapa pentingnya tugas wartawan dalam memberi maklumat kepada masyarakat, seperti mana Tok Guru berakwiah.

"Jaga etika dan amanah kerana setiap perkataan yang kita tulis itu akan disoal kembali oleh Allah SWT di akhirat kelak. Wartawan tulislah apa pun pasal saya tapi kalau tak betul, kena cari saya di Padang Mahsyar," katanya.

Apabila topiknyalah politik UMNO-PAS, Nik Aziz pasti berhujah penuh semangat. Pernah sekali, beliau memasuki kereta rasminya (DAB 80) selepas menemui wartawan, tetapi keluar semula kerana tidak puas bercakap.

Bagaimanapun, ada juga masanya beliau enggan bersuara. Jika kelibatnya keluar awal selepas mempengerusikan mesyuarat Ahli Mzulis Mesyuarat Kerajaan Negeri (EXCO), itu adalah isyarat tidak mahu memberi kenyataan. Jika dipujukjuga, beliau akan beiiienti di hadapan lif, berpaling ke arah kami sambil tersenyum dan berkata: "Bolehlah sikit Saya nak katakan, hari ini saya sakit perut."

Ayatnya paling mudah untuk mematinan tujahan soalan kami adalah: "Itu dia punya pasal."

Suka bergurau Nik Aziz memberi layanan sama rata terhadap wartawan tetapi wakil *The Star* ketika itu, Nick Leong, kerap meiyadi bahan gurauannya.

"Saya Nik Aziz, dia Nick Leong. Dua-dua bunyi sama tapi bezanya dia belum masuk PAS," katanya.

Berita kematian bekas Presiden PAS, Allahyarham Datuk

Fadzil Noor, pada 23 Jun 2002 adalah detik saya melihat air mata mengalir di pipi Nik Aziz. Sidang media di kediaman rasmi Menteri Besar di JKR 10 petang itu sarat dengan emosi, manakala suara Tok Guru yang tersekat-sekat memadai untuk menceritakan kepiluan atas kehilangan seorang sahabat.

Gemar berburu AUahyarham gemar berburu dan amat meryaga melihat buah-buahan di belakang kediamannya di Pulau Melaka.

Hobinya itu turut membawa kepada insiden melucukan. Satu petang, saya bersama rakan kru **TV3** mencari Tok Guru di rumahnya untuk mendapatkan komen berhubung isu semasa.

Sebaik tiba, anaiknya memaklumkan Tok Guru keluar ke kebun dan meminta kami menunggu di halaman rumah.

Kira-kira 15 minit kemudian, Nik Aziz keluar bejijalan ke arah kami sambil memegang sena-

pang dan memakai persalinan memburu, lengkap dengan but.

Melihat gayanya seolah-olah mahu 'menembak' kami, wartawan TV3, Nik Mahadi Hassan, pantas mengangkat tangan dan berkata: "Sabar Tok Guru, sabar. Toksoh (jangan) tembak, kami nok (mahu) komen Tok Guru jah (s'ja)"

Nik Aziz tersenyum lalu berkata: "Ambo gi tembok tupai, habih buah keno make (Saya pergi tembak tupai, habis buah kena makan)," katanya.

Saya pernah mendapat panggilan telefon seawal jam 7 pagi daripada bekas Setiausaha Politiknyalah, Anual Bakri Haron, yang menyampaikan ucapan terima kasih Nik Aziz atas laporan bertajuk *Rakyat Kelantan undi PAS dapat pahala* kerana dianggap menepati apa yang diperkatakan sehari sebelumnya.

Keratan berita itu saya bingkaskan sebagai hadiah perpindahan ketika menemui Nik Aziz di pejabatnya sebelum meninggal-

kan Kelantan pada 30 Mac 2003. Secara spontan, Allahyarham mengemukakan sebatang pen dari kecek baju Melayunya.

Pertemuan terakhir "Wartawan tak boleh keija kalau tak ada pen. Ini saja yang dapat saya kasi," katanya. Pen itu masih elok dalam simpanan.

Ketika kembali ke Kota Bharu pada 2004 bagi liputan muktamar, Nik Aziz menyebut nama saya sebaik terpangang sebelum memulakan sidang media, tanda masih mengingati walaupun tidak lagi bekeija di Kelantan.

"Veena ni dulu dari pagi sampai malam cari mana saya pergi. Patut dia duduk sini, tak payah keija sana (Kuala Lumpur)," katanya.

Ingatan itu juga yang membolehkan saya mendapat temubual eksklusif bersama Nik Aziz di kediamannya di Pulau Melaka mengenai pengalaman diserang sakit jantung. Kebenaran doktor untuk bercakap selama 10 minit berlanjutan merjadi hampir setengah jam.

Pertemuan terakhir saya dengan Allahyarham ialah pada 18 November 2012, penghujung Muktamar PAS Ke-58 di Pusat Tarbiah Islamiah Kelantan (PUTIK), Pengkalan Chepa.

Kedaaan kesihatan tidak mengizinkan mengikuti muktamar tetapi Nik Aziz hadir bagi mendengarsesi penggulangan Presiden, Datuk Seri Abdul Haeli Awang.

Dalam keuzuran pun, pemikiran saya tetap tetap manakala kata-katanya terus pedas dalam menjunjung obor pejujangan.

Hingga ke akhir hayatnya, Nik Aziz yang saya kenali berada dalam kelas tersendiri, sarat mendukung pemikiran yang mengimbangi keperluan sah-sah dan rohani.

Berkali-kali Allahyarham menyebut mahu meiyadi wakil rakyat hingga ke nafas terakhir dan jaryinya itu nyata dipenuhi.

Selepas lebih separuh abad bejujangan, kini tiada lagi resah dunia mengganggu Tok Guru Nik Aziz. Al-Fatihah.

